

De secunda obsidione Castileoni seu Castri Leonis [a].

CAP. LXIII.

Cum Forolivienses omnibus suis vicinis et amicis, atque sibimet ipsis vicissim jocosa opprobria [b] quasi ex more, non tamen laudabilia [c], et quodam nimio lingue pruritu [d], obicere consueverint, [e] Faventinis jocose multoties [f] et quandoque mordaciter obiciebant, illos non posse denarios clare eligere, eo quod tuffres Castri Leonis eis umbram inferrent non modicam. Quo quidem verbo, Faventinis non grato, [g] sed venenoso, et aliis emergentibus hinc inde occasionibus, Forolivio et [h] castro Castelloni [i] bellum inferendum Faventini publice clamaverunt. Sub anno itaque Domini MCLXVIII, reformata in integrum amicitia cum comite Guidone [A] et iuramentis in mense madii [N] Faventiae in Broilo [k] ante domos Guidonis et Henrici de Alberico fratrum, firmata, composita etiam pace cum Ferrariensibus, qui duos manganos, Asinum scilicet et Falconem vocatos, Faventinis donarunt, cum quibus noviter Argentam ceperant: praedicto vero anno, die sexto mensis Octobris, Faventini omnibus rite paratis, castrum Castelloni [l] obsederunt, veniente ad eorum servitium comite Guidone Guerra, Imolensibus, comitibus Bagnacaballi, Cunii, Cavalcacomite cum comitibus Castrocarii, et montanariis nostris; Bononienses vero, optime necessaria ad expeditionem praeparantes, jam egressi civitatem [m], obsidioni interesse non valuerunt [n]. Afflictis itaque, qui in castro erant, per xi dies, omnium tormentorum generibus et maxime manganis, et castro jam pene devicto, apparuerunt Ravennates super Cosnam [B], et Livenses cum Ariminensibus, Caesenatibus, Bretenoriensibus, abbate Galiatae [o] [C] et multis aliis. Postquam hostes nostri viderunt, ceteris curis relictis [p], illico arma sumentes, parati ad bellum sicut leo ad praedam, ipsos aggredi, sicut lupo gregem, ardebant. Sed heu! quid faciet bellicosa iuventus, si, unde ventus audaciae afflare debebat, nubes timoris attulerit frigus? Proh nefas! respicientes siquidem retro, tentorium consulum nimia colligi festinatione viderunt. Vq-

[a] Castileoni, seu Castri Leonis, C. M. sic; In C. V., Castilioni, et Castri Leonis. [b] jocosa opprobria. In C. M., jocosa obprobria — [c] non tamen laudabilia, C. A. In C. M., non tamen laudibus. — [d] linguae pruritu, C. V. In C. M., linguae pluritu. — [e] obicere consueverint, Codd. M. et A. In C. V., obicere consueverunt. — [f] Faventinis jocose multoties, C. V. In C. M., Faventinis jocose multociens. — [g] Faventinis non grato, C. V. In C. M., Faventini non grato. — [h] Forolivio et, C. V. In C. M., Forlivo et. — [i] castro Castelloni. Sic C. M. castro Castilioni, C. A.; Castro Leonis, C. V. — [j] in mense madii. Sic Codd., pro maii. — [k] in Broilo. Sic Codd.; de quo supra. — [l] castrum Castelloni. Sic C. M. In Codd. V. et A. castrum castellioni. — [m] egressi civitatem. Sic Codd., pro egressi civitate. — [n] non valuerunt. Sic Codd.; fortasse legendum: non valuerunt. — [o] Galiatae et. Sic Codd. [p] ceteris curis relictis, C. V. In C. M., ceteris curis relictis.

[A] Comite Guidone, scilicet, Guerra.

[B] Cosna est rivus viam Aemiliam, qua Forolivium tendimus, sexto ab urbe nostra lapide, intersecans. Item alius locus est huius nominis, eadem in via, ad quartum lapidem tantum situs, adeoque nobis multo propinquior.

[C] Galiata est abbatia cum oppidulo, ad meridiem Forolivii in Apennino, milliariis quatuordecim procul ab ea urbe locata.